

國朝詞綜二集

跋

是書既成摩挲再四覺尙多缺略如

國初詞人見於名人文集者尤西堂則有許漱石粘影
詞丁歐冶問鵬詞王德威璧月詞朱竹垞則有柯寓匏
振雅堂詞孟彥林詞陳其年則有吳初明雪篷詞觀槿
堂詞之類皆未經寓目而

欽定四庫全書見於詩類中又有呂陽陳軾梁清遠等
十有餘人列諸存目其詞亦無從採輯蓋江湖憔悴之
士爲之而未成卷成而未能傳世其詞在若存若滅者
又何可勝數而予目眚亦已三年矣搜採抉摘尙有待

乎後之君子焉嘉慶癸亥臘月八十老人王昶又書

從祖述庵先生少與吳越諸名士爲倚聲之學故搜採古今詞集最多後登仕籍出入中外垂四十年同人以詞投贈者益衆旣蒙

恩予告歸主講杭州敷文書院乃發舊藏先補竹垞太史所未及爲補人二卷又甄錄明詞十二卷而

國初至今可以論定者亦釐爲四十八卷蓋千餘年來精華畢萃可謂集詞學之大成惟現在朋游尙餘二三十家并有零章小集填溢篋衍紹成因請於先生擇其尤者共六十餘家編成二集八卷其取舍大旨仍以太史爲宗我

朝文治光昌卽倚聲亦盛於往代海內詞人方富有日
新而未已則此特吉光片羽未足以言美備也已嘉慶
癸亥孟冬從孫紹成謹書

國朝詞綜二集目錄

卷一

錢大昕

許寶善

王初桐

殷如梅

何琪

朱士廉

趙帥
劉錫嘏

潘奕雋

張雲璈

汪端光

馬緯雲

施源

卷二

吳錫麒

趙懷玉

曾煥

卷三

楊芳燦

楊揆

王芑孫

那彥成

洪亮吉

卷四

吳翊鳳

詹肇堂

馮金伯

史善長

施晉

汪大經

王翰青

汪淮

吳寶書

王紹舒

卷五

麥廷堪

孫爾準

徐雲路

李方湛

鮑份

孫源湘

卷六

許宗彥

陳文述

史蟠

顧臯

張興鏞

顧菴

李福

張禮

卷七

郭磨

張詡

倪稻孫

蕭掄

卷八

孫延

蔣徵蔚

嵇文煒

董國華

董國琛

汪初

沈星煒

史麟

楊承憲

戴延介

馮珍

陶梁

王紹成

國朝詞綜二集卷一

青浦王昶纂

錢大昕 一首

許寶善 七首

王初桐 八首

殷如梅 三首

何琪 一首

朱士廉 三首

趙帥 五首
劉錫嘏 二首

潘奕禧 七首

張雲敖 四首

汪端光 一首

馬緯雲 四首

施源 十二首

錢大昕

字曉徵號竹汀嘉定人乾隆十九年進士官少詹事

齊天樂

蟬

新霜纔到蕭蕭葉林間便聞清語急杵敲殘寒蛩吟後
遞出新聲無數依依似訴記低伴銀茄戲黏櫻樹斷續
淙音向人如按玉箏柱 桃笙正酣午夢被伊頻喚醒
惹起淒楚衰柳斜陽疎桐淡月消受西風幾許世間兒
女愛畫扇羅衫簇成花譜懶聽焦琴怕他驚又去

許寶善

字敬愚號穆堂青浦人乾隆二十五年進士官監察御史有自怡軒詞

蝶戀花

樓上珠簾樓下路綠透芭蕉紅了櫻桃樹爲問閒愁餘
幾許落花時節紛紛雨 一曲霓裳移雁柱靜掩紗牕
玉砌堆香絮燕子不知春又去掠檐依舊參差語

唐多令

淡月上牕紗香鑪小篆斜聽高樓曲奏琵琶彈徹淒涼
哀怨語渾不管客思家宿雁起汀沙愁人天一涯寄
孤蹤樹繞寒鴉最恨西風驚夢醒吹細雨落燈花

臺城路

楊花

綠雲繞處香綿卷悠颺乍停酥雨碧逕勻鋪白蘋碎點
又是天涯春暮柔情幾許怪惹恨牽愁欲飛還住更撲
簾衣有人獨自皺眉嫵江南寒食過了問誰家廢苑
飄泊無侶拂浪魚吹因風燕蹴不管幽懷羈旅輕裘翠
羽笑爭逐瑤堦小窻兒女怨入深宮新詞應更譜

點絳脣

寒食東風綠窗寂寞春無主惱人情緒幾點梨花雨

柳弱雲輕水似流年度長亭路淒迷烟樹好夢無尋處

臺城路

橫塘舟次遇谷香舊人情態猶新升沉頓異出谷香定情詩四首纏綿婉至風韻欲流撫今思昔不禁情見乎詞矣

幾分春到蘇堤柳蘭舟繫來烟渚燭影輕搖雲鬢低映
玳瑁尊傾華醑清歌白苧愛酒底花前背燈偷覷隱約
珠簾海棠枝上帶紅雨新詞無限婀娜記鶯捎蝶舞
深夜私語錦字猶香玉牋尙暖屈指箇人何許移商換
羽怕羌管吹殘斷魂無主遙訴飛鴻此情憑寄與

南歌子

寶瑟初調軫珠簾半上鈎一行新雁過南樓寂寞梧桐
深院又中秋 玉露和烟濕金波逐水流秋風應亦解
人愁吹我半牀幽夢到西州

阮郎歸

一簾酥雨杏花殘羅衣生薄寒小樓無力倚闌干怕看
山外山 眉翠薄淚痕斑無端春又闌生憎鴛夢醒時
單今宵和夢難

王初桐

初名玉烈字耿仲嘉定人監生
官齊河縣縣丞有杯湖款乃

踏莎行

國朝詩經二集卷一
三
柳陌陰濃芳園紅滿日長睡起簾空捲晚風小閣杜鵑
啼夕陽山外雲如線 春色將闌春愁未展自憐自愛
無人管重門閉後雨瀟瀟殘燈半掩屏風扇

掃地遊

豐臺芍藥

翠陰院宇見婪尾枝枝買來簪帽鈿轆駕早去南城十
里紺園深窈匝地濃雲懶惰東風不掃遶閒眺愛爛漫
殷紅宿露清曉 邗溝曾繫棹記烟月虹橋處處吟到
錦鄉繚繞算羣芳又勝廣陵多少寂寞花田只欠箇人
娟妙酌香醪試招魂珮環歸了 指曼珠

女冠子

霽痕清澗睡覺滿簾花影竹梧房龜甲屏雙扇魚鱗鏡
一牀 硯開蓮葉小紙劈柳芽黃新試簪花格十三行
玉爐香燼晚蕭騷燕歸巢捲簾高牕外數聲疎雨滴芭
蕉閒嚼紅絨斜唾壁吟罷也又今宵

過龍門

青入燒痕新遲日晴曛東風吹醒杜鵑紅綠水春江烟
艇小楊柳朱門 歸去正愁人桃李山村酒簾深下更
重雲燕子不來花自落微雨黃昏

採芳信

用弁陽老人韻

臥春晝正一枕銀屏未消宿酒甚題紅人杳關情尙如
舊重門深鎖空庭雨滿地梨雲瘦靜陰陰翠冷筠簾綠
深苔鬢 窗外晚風驟歎花落隨流雲飄離岫芳草江
南能禁斷腸否寶釵樓上闌干曲莫去閒搔首近黃昏
烟裏絲絲舞柳

春光好

秋日水北草堂作

蘆花白蓼花殷捲簾看一帶淡烟紅樹擁青山 霜冷
魚村蟹市雨荒鷗嶼鳧灘目盡行雲無限意倚闌干

臨江仙

懷孫縣圃

鴉白紅時秋色江蕪開後涼風魚鱗雲去露晴空平田

看下犢斜日數歸鴻
密樹橫川遠近遙岑遮戶西東
憑闌幽恨幾千重
沙村寒漠漠烟水碧濛濛

殷如梅

字果園元和人諸生

臨江仙

九日石湖卽景

強欲登高舒望眼
支筇直上崇岡行
春橋畔路微茫
村迷烏柏影水帶白蘋香
人去人來斜照裏
肯教孤負秋光
歸舟烟月已蒼蒼
重尊沽酒處依約認橫塘

浣溪沙

春夜

暗幌深沉鎖寂寥
懨懨虛度可憐宵
一牕花影半無聊
殘夢醒時燈未燼
閒愁起處酒全消
更堪風竹響蕭蕭

蕭

南浦 題沙斗初春江雨泛冊用玉田韻

波暖荻芽肥記年時十里橫塘春曉新漲半篙添流紅
處縷縷垂楊堪掃荒橋斷岸酒帘點綴漁村小誰唱雲
山韶濩曲棹入露花烟草 筆牀茶具依稀畫圖中一
帶風光了了錦浪繞芳堤認分明前度缺瓜船到浮家
浩渺綠蓑青箬情懷悄遙指溟濛從此逝路隔仙源多
少

何

琪

字春渚錢唐人布衣

錦帳春

紅豆

豆顆輕圓花枝媚嫵載不起相思無數待封題頻寄遠
悵攀條還住那人何處 月底相逢燈前迴顧記纖手
暗拋無語恁胭脂能點就是淚痕縷縷染來如許

朱士廉

字孟容昂子休寧人寓居長洲監生

疎影 菊影

重陽又近散數枝露砌幽意誰領倚檻蕭疎淡欲忘言
恰似吟魂無定嫩黃乍點西風裏早怕被晚烟吹暝傍
水溪偶爾橫斜別管客愁孤冷 堪笑題餽醉後一燈
燧紙閣空負清景待得朝來牆角霜寒半幄殘痕難省
繞籬差減梅花瘦挽不住秋歸三徑最可憐陶令門荒

獨向碧苔低映

又 欄影

雕疏試啓趁一奩綺旭斜映簾底側界苔衣旋泛蘋波
幾摺屺痕成字參差低卧紅橋路欸不住醉春人倚笑
有時逼印銀牆惹得蝶穿無計深院黃昏又近彩霞
湧鏡月如水鋪地欲凭偏愁依樣裝成且喜辟塵如洗
風吹幾片涼雲度莫誤認粉銷金墜到夜闌暈滿瑤階
更護半林梧翠

又 燈影

殘紅半點看漸飄縷縷飛近簾檻客枕沉愁涼漏迢遙

那望好花舒艷，纖眉曾剪銀屏曲。怎冷落孤樓江店。怕
夢回分外淒清。髮影曉窗雲冉。回憶津亭話別。半釵
吐。施萼曾照。悽感幾欲憑挑。有限餘輝。又恐西風吹暗
空。閨繞遍誰憐。惜只惹得芳容愁減。聽塞鴻叫下寒雲
別剩一痕猶閃。

趙

帥字原裔涇縣人乾隆三十年舉
人官安肅縣知縣有偉堂詞鈔

燭影搖紅

秋夜有懷

鐵馬郎當荻簾初下。涼風卷桐珪。飛片落銀牀。繞砌吟
蛩滿。況是星燈一點。最蕭條。黃昏旅館閉門人。靜街鼓
鼕鼕。添教淒斷。殘月窺牕。步檐徙倚闌干。畔漁榔聲

輒采菱歌回首江鄉遠幾度欲眠未倦怕勞魂難招舊
伴不如歸好汀火香厨紫萼親剪

洞仙歌

游金鰲玉竦

昭和殿側望瀛臺春樹雁齒長橋趁閒步笑東風宕漾
太液波澄吹不到柳陌花堤塵土 林梢撐白塢綠幔
紅牆隔水葳蕤掩牕戶極岸映明霞草際浮光香車過
蝶衣低舞只少得蘭橈放歌游也儘勝江臯采蘅搴杜

西江月

暮春書感

深巷錫簫斷續高城雲樹籠蔥夕陽斜映畫樓空只有
游絲飄動 柳外乍啼黃鳥門前不住青驄替人惜別

是春風故遣落花飛送

步蟾宮 早秋萬柳堂覽勝

兩輪車簸城東道問萬柳而今多少夕陽池館鎖葳蕤
但一簇秋林紅棗 門前繫馬嘶芳草又滿耳蟬鳴遮
了誰家籬落綠茸茸挂數朶牽牛花小

醉花陰 水西看桃花

載酒城西來喚渡隔岸桃千樹風日近清明小扇輕衫
細草平沙路 窮源便到前村塢有斜陽留住冷笑子
規啼纔我歸來又勸誰歸去

劉錫嘏

字純齋通州人乾隆三十四年進士官湖北糧道有快晴小築詞

憶舊游

自題柴門流水圖

記偏橋南畔春水如雲綠到門前十斛紅塵裏恰溪山
佳處對我柴關稻花香滿村外最好夕陽天況蓼岸呼
牛蘆塘放鴨多少清緣堪憐絆人住是夜月南樓雲
樹晴川儘有還鄉夢只西門官柳憔悴難攀何事頻年
漂泊拋却一溪烟縱寫徧銀屏朝朝目斷紅日邊

摸魚兒

題冒辟疆姬人董宛所畫兩兩鴛鴦繡水
紋圖圖爲陳約洲方伯收藏

恰新晴鉢池春漲浴鷗波外風軟水亭正對鴛鴦浦獨
自憑欄消受迴望眼指沙上文禽証取同心伴水紋細
展笑巧奪鍼神輕拈眉筆繪出水紋亂風流散難覓

當年池館奪芳恨我偏晚江花沙鳥依然在只是綺羅
人遠君不見圖書裏依然省識春風面星霜縱換算才
子東林佳人南國勝事已傳遍

潘奕雋

字守愚號榕皋吳縣人乾隆三十四年進士官戶部主事有水雲詞

鳳凰臺上憶吹簫

新秋三松堂對月用漱玉詞韻

蛩咽籬根鴉啼樹頂一輪又見當頭喜畫檐波影冷浸
簾鈎莎徑筠廊宛轉小軒牖自署三休西風爽紅牙檀
板待賞新秋悠悠倚闌暗數三十載前塵夢斷痕留
盼廣寒縹緲路阻瓊樓惟有樓中仙子還向我歛黛凝
眸銅壺轉良宵又增一片閒愁

菩薩蠻 詠煙草

何人種出相思草，依人欲化情絲。裊賦到淡巴菰，緝書
故事無。香銷吟未就，春困針停繡。合伴一甌茶，輕圓
泛乳花。

南歌子 三松堂芍藥

粉膩翻風重，紅嬌怯露寒。海棠開盡牡丹殘，一任芳姿
濃淡占雕欄。瑞不徵金帶，詩曾和玉盤。狂香浩態故
依然，且向蕭齋幽幌，盡情看。

百字令

乾隆甲寅劉崧嵐將之奉天，任余邀張子
東畬同遊畫禪寺，訪崑峰長老步月庭中。
東翁寫圖贈行，並係以詞。余繼作南鄉子
一首，今春崧嵐復至吳門，出前圖共賞同。

首舊遊恍如昨日流光彈指蓋已十年東
畚歸道山則五年矣喜良會之能再慨逝
歲之不居復填此闕以寫離緒記新歡云
爾

山塘綠漲報雲帆漠漠仙舟纔泊舊恨新愁難縷述喜
看鬚眉如昨細檢行囊重提往事一嶺珍林壑故人安

在

謂東畚

墨香猶染簾箔

十載按部班春關鴻梁燕矯

首天寥廓前席蒼生他日事且把繡衣遲著退院僧歸
謂昂峯閒吟客健商畧吾儕樂清光依舊一尊來共斟酌

望海潮

檢箇得高麗墨一挺爲己故兩粵制府吉公慶同官內閣時所贈墨高三寸三分厚三分有陽文曰翰林風月

森沉庭樹翩翩階葢濃香記試紅絲風月翰林溝瀆使

節攜來周道委遲珍重故人貽念山雞雲鶴宿並高枝
雪爪萍蹤廿年春夢總迷離 松牕興寄臨池歎人亡
物在欲見無期真墨磨人非人磨墨羊城往事難追隣
笛一聲悲漫閒滯筠管悶靠烏皮譜入哀絃錯刀何處
報相思

虞美人

詠茉莉

玉簪未放池荷老露朶筠籃小水晶簾卷月遲遲香在
烏雲濃處半開時 金絲織手重重綴蘭麝真難賽簾
紋如水帳如烟涼到青奴無夢憶當年

羅敷媚

題冒巢民姬人葦小宛墨菊

染香小閣秋光裏簾捲波紋貌取烟痕人影如花瘦幾

分西風畫卷餘香在雅淡輕勻彷彿丰神合配眉樓

九畹春

陸謹亭齋中藏顧橫波蘭冊蒼秀絕倫在薛素素馬相蘭之上余借觀畱三松堂一月

張雲璈

字仲雅錢唐人乾隆三十五年舉人有三影閣筆語

摸魚兒

晚泊閩門

隔重闌萬家燈火涼星照水無影扁舟小泊妝樓底樓
上簾櫳相映繁華境數不盡香車寶馬紅塵騁游蹤莫
定又虎阜山遙橫唐十里都是問春徑江南路處處
重來堪認飛花過眼誰省故園何事輕拋却偏諳它鄉
風景耽吟興那得有淺斟低唱雙鬟並蓬牕夢醒但蠟

鳳敲殘香猊撥罷一枕柁邊冷

倦尋芳

春日簡汪學正劍潭

風柔雨細逗粉拖酥春意猶嫩芸餅添籌未許畫羅衣
褪屈戍寒深金屋閉流蘇夢曉紅酥困小庭空正簾波
一桁榭塵三寸 悵巷陌青楊誰問剗襪香階行步微
損如水年華一樣惹愁牽恨芳草不離胡蝶伴落花留
共鶯兒論漸雕梁燕雙飛怪人孤悶

浣溪沙

三影閣曉坐

昨夜春寒減一分畫羅屏敞坐凌晨隔簾新綠正當門
紫燕迴廊風似翦紅薇小院雨如塵養花天氣護花

人

一枝春

客中清明

不卷重簾怯東風猶是曉寒
庭院賣餠聲早惹起客愁
撩亂天涯合節閑過了杏花春
半最憐却潑火新晴乍
帶漢宮烟散江鄉此時堪戀
正千秋綵索垂楊如綫
天桃弄影定有倚門入面粉香
紅溜費多少冶游尋徧
只訴與伴我雕梁一雙飛燕

汪端光

字劍潭儀徵人乾隆三十年舉人今官廣西同知

如此江山

題三泖漁莊圖

畫中剪取吳淞水漪漪接滿空
碧雨笠橫舟風鈴動塔

門在山坳樹側鄉園遙隔問別後秋潮鱸魚幾尺只恐
烟波野鷗不識舊時客憶昔金閨通籍笑釣竿誰理
漁筒輕擲雪嶺投醪逢池斫鱸猛省斜陽吹笛苔磯水
磧却預卜功名燕然勒石月舍雲莊卧游空歷歷

馬緯雲

字依屏海鹽人乾隆三十九年舉人
官番禺縣知縣有鶯聲細雨草堂詞

減字木蘭花

西泠感舊

西陵舊路消魂人有消魂句花月前生畫舫香詞譜玉
筍湖隄再到十里天桃開未了倩影誰招落日危闌
又斷橋

鳳凰臺上憶吹簫

杭城東瓦子巷係南宋時勾欄
穀人有詞紀之余因繼作一

紫玉烟銷瓊樓月謝空憐門巷蕭森問歡場非昔過客
驚心只有絳桃依舊斜陽外影弄牆陰誰能認鞋香細
落鈿髻遙深 沉吟星移物換歎半壁湖山故國難尋
況鳴珂舊曲墮舄遺簪悵悵東風似夢何須惜買笑千
金還攜酒趁拍婆掌莫負而今吳君特是題玉樓春詞
有云問稱家住城東陌
欲買千金應不惜歸來困頓帶春眠猶夢婆掌斜趁拍

江城子

梨花門巷雨聲中舊游蹤幾時重料得人間好事易成
空零落年光如夢裏十載也去匆匆 聽鶯撲蝶與誰
同怯春慵暗惺忪庭院誰家一樹小桃紅不管卷簾人

有恨依舊是笑春風

高陽臺 梅花帳

號歇青禽痕留縞月紫茸

帳名

最最低懸待辟織塵閒房

穩護清眠采香欲趁雙飛蝶釀宵寒細裊沉烟最關情

夢昵東風數早春天孤高只合空山卧料封侯無分

一枕游仙惆悵羅浮花魂招得何年新妝額點流蘇暖

恍鮫綃掩映嬋娟伴黃昏冷耐冰壺旅館翛然

施

源

字寶君號蒙泉吳縣人乾隆三十九年舉人官舒城縣知縣有愛靜詞

雙雙燕

白燕用史梅溪韻

玉京去後歎春暮重來鬢絲先冷鉛華淡了還向錦巢

相並飛上高梧舊井剪一縷輕雲不定應憐不盡楊花
甚處可留清影 芳徑芹泥翠潤試解下紅絲更添嬌
俊晶簾垂未歸去澹烟催暝小夜疎香夢穩和冷月遙
傳芳信不堪絮語梁閒樓外有人孤凭

木蘭花慢

秋夜間隣歌

聽庭梧葉落無人處倚簾旌正病思縈花愁腸殢酒冷
眼看鐙聲聲暗飛小院似柳梢嚙出一雙鶯串串圓珠
散也解紅曲子新成 淒清我已悔多情舊夢至今醒
任金縷歌殘銀鷺舞罷總也羞聽丁寧翠烟鎖住喚織
蟾來去小閒庭伴我愁魂共住由他哀雁疎砧

瑤華 梅魂

美人何處院宇昏黃恨悄然無主聲聲玉蓬吹未散多
謝澹烟扶住水邊林下料應爲逋仙延佇倩冷風偷逐
疎英吹度幾重簾戶還教夢裏相招歎夜帳殘燈悄
寒淒楚參橫瘦影認不出當日松林歸路餘香在否想
幽恨翠禽能訴望枝南一片迷離今夜月明尋去

蝶戀花

天澹雲空含淺碧茉莉初開暗向花前摘小院疎簾垂
幾尺一絲月影攜涼入樓外何人吹玉簫乍擬閉眠
又向欄杆立鈴折無聲風瑟瑟松梢露滴單衣濕

浣溪沙

春暖

錦帳新閒舊鴨爐暗塵香送午晴初杏衫不解稱身無
綠草鬪完雙臉暈翠雲洗罷小蟬梳更開筠扇索人

書

臺城路

余家對水溪舍後清川一曲卽馮氏舊園
亭也惘然吟眺聊綴此闋

碧溪依舊涵秋水人間早添涼思蘋葉吹香藕花送晚
相喚遠陂風起松陰自倚望烟際樓高竟迷紅翠欲折
巖芳暮雲零落向千里當年俊遊何似流光須記得
舞浪歌意汀草烟搖庭蕉雨霽定有舊人含淚風流盡
矣只桂樹扶疎王孫歸未重問繁華夜涼新月裏

掃地花

對庭中落葉有感

夕陽影裏看冷到哀蟬亂飛無數小欄日暮望西風漸
緊囑伊且住覈得青青費了春工幾許渾無據伴葉葉
碧雲飄散何處離恨難說與歎流水無情怨題人去
夜蛩自語有籬根未掃半淹寒雨捲入秋烟向苔陰更
聚黯凝竚賸蕭疎冷紅一樹

百字令

一聲吟籥把春來舊恨都教吹醒斗室暖香兼細雨釀
出溫柔心性蟲語疎梳書緜閒夜燈焰侵人冷玉欄十
二不堪愁裏閒凭 回念前度天涯顰深笑淺曾譜歡

娛景風外玉徽聲斷後翠幕花留紅暈往事雲飄新愁
天迴可惜無伊證斷魂何處夜幃飛上螢影

長亭怨慢

畫亭東畔舊游地也

記前度畫亭東畔柳小扶人香多迷蝶一夢羅裙幾年
辛苦怨離別空園花葉似待我重來日試問舊游蹤應
尚有流鶯能說猶憶襯玉階細草曾墜翠鈿遺蹟新
紅雖好都不是去年春色恨東風吹冷香魂任日暮金
鈴嗚咽只短碧垂垂向我宛如相識

梅子黃時雨

換却濃陰賸孤蕊冷花猶映朱戶望葉暗亭皋漸辭條

國朝詩集卷之二
去試問梁間雙語燕近來永日飛何所斜陽暮又一片
澹雲吹過涼雨 休訴別來心苦算離魂漂泊殘陽難
據只幾樹疎槐秋風生處散作空階涼靄晚也應助我
愁人緒渾無語獨繞曲欄延佇

清平樂

烟柔風靜人倚紅欄影吹徹玉笙春未醒花蕊一枝情
冷 繡餘更理羅紈暮雅爭繞琅玕一縷斜陽飛去澹
黃庭院微寒

長亭怨慢

月影漸落殘色淒人無關重凭冷不可
支矣因懷王子恕堂輒成此解

漸吹落松風一逕樓外鬪干有人還凭病酒依依昏黃

不辨雁歸影倦游誰省知消滅看花情性素壁秋屏見
一片燈輝淒冷 人靜勸今來殘夢休戀舊時烟景流
光逝也又聽到疎鐘零磬試屈指君去天涯對幾度月
圓如鏡悵獨夜荒涼此味不堪持贈

國朝詞綜二集卷一

國朝詞綜二集卷二

青浦 王昶 纂

吳錫麒 三十六首

趙懷玉 六首

曾燠 一首

吳錫麒

字聖徵號穀人錢唐人乾隆四十年進士今官國子監祭酒有有正味齋詞

掃花游

隔水見小桃一枝妍媚可念

恨難銷處共脈脈無言夕陽流水峭寒未已悵仙源隔
斷小門深閉畫出燕支只在秋千影裏惹愁起待愁到
減時那減紅淚 前度闌更倚念立其鬟齊箇人千里
染成鳳紙向煙波杳渺尺書曾寄漲滿春潮獨有歸來

燕子憶花未認天涯斷霞魚尾

鳳凰臺上憶吹簫

城東瓦子巷本南宋時勾欄

冷落鴉邊淒涼葉底一條古巷彎環問冶春蹤迹數夢
都難歎息琵琶仙去流水外別調誰彈西風緊蕭蕭草
樹暗起清寒湖山故宮十里算桂子荷花儘足盤桓
甚小門閉後斜照同閒燕子歸時應戀凭翠袖幾處闌
干重回首新愁舊愁併作秋看

摸魚兒

純

滿鷗波腎烟拖雨涼絲平織千頃春洲不似西風怨歸
夢早圓菱鏡撐短艇試宛轉牽來滑比公荷勝人差髻

影乍窺到潭心生香不斷一碧澹相映
調羹好幾匙
酥融玉凝吳鹽配就清冷柁樓纖手垂虹路俊味酒邊
重省添舊恨引萬丈相思不爲鱸魚興斜陽送暝只蓼
岸紅時蘆碕白處釵股認誰贖

齊天樂

蟬

翠雲不鎖游仙夢年年蛻餘催喚露額垂綬冰鈿刻鬢
愛抱柳枝微顫絲風送緩裊一縷殘聲又過隣院不定
驚魂惹教涼韻指閒換深隄愁更落葉漸吟蛩暗替
身世如幻碎雨槐邊頽陽竹裏訴盡故宮幽怨秋陰滿
苑便畫到銖衣也增淒惋似磬飛來踏莎山寺晚

天香 烟草

瑤草深耕瓊絲密鏤烟霞散入人世吸似荷筒敲便石
火領取炙餘風味朱櫻小破認朶朶蓮翻舌底閒趁銀
缸未滅偎衾試銷寒意 温麝引人如醉慰孤愁翹生
差擬翠點秋衫猶記唾花香膩百種相思欲寄奈化作
巫雲又輕墜颺出紋簾合成心字

臺城路

富春道中

江流不管閒鷗夢匆匆似隨帆轉鬢短籠烟衫輕浣雪
禁得天涯人慣絲風乍捲聽萬竹陰中畫眉低嗽鎮日
狂歌早催斜照墮天半 回頭山遠水遠只依依霽月

無限情戀短笛能橫長魚欲舞相對蓬壺清淺空明一
片想深谷高眠白雲都嬾釣火何人隔灘流數點

東風第一枝

落梅

驛館春深鈴齋客老玉煙吹墜亭圃問誰壓笛江城喚
起薄陰萬樹游仙夢醒早一縷冰魂飛去最惱人枝上
青禽猶對晚蟾孤語閒指點瘦痕橫處渾不似畫橋
前度賸教環珮歸來只是伴人醉舞妝銷半面料粉碎
香癡難補待借他葉底微酸寫入雨簾新句

鎖廳寒

綠陰

淺壓山腰深籠巷尾碧陰千樹濛濛密密香賸幾花明

處映蒼苔餘寒未休隔簾又釀江南雨甚滿身冷翠低
鬟微蹙摘梅簪去 延佇聽蟬語縱未到斜陽已成淒
楚殘紅換了早是薰風庭宇認江邊煙耶水耶誤人望
眼雲又暮問遮將一徑春歸恁禁秋來路

柳色黃

秋柳

減碧攏黃啼罷晚蟬涼雨初霽斜陽暗逗林梢幾筆白
門秋意山長水遠漸見十二樓頭依稀颺出青旗字誰
料結同心有而今憔悴 休擬停船古渡繫馬危隄拄
筇荒寺老盡絲絲只在一絲風裏煙寒月冷認取無數
清愁分明闌入眉峯底聽一曲烏棲把離魂喚起

望湘人 旅感

乍商飈捲樹零落冷楓夕陽空際如戀瘦入山尖碧餘
水面一霎陰晴千變借楊絃詩倚樓吹竹江天人遠盪
晚烟十里蘆花夢醒者時涼雁 閒把秋光檢點已梧
陰卸後菊香吹徧賸三分明月帳裏欲寒羅薦聽殘遠
杵惹來愁緒不減絲絲衣綫惱鬢影未到秋深一鏡吳
霜吹滿

疎影 帆影

春江破凍看挂蒲遙泛輕影浮動樹底潛移烟底還迷
閃閃乍過荒籠波心一片搖溶處問帶去幾鷗殘夢鷺

渡頭掩卻斜陽誤認隔溪雲擁
偏又飛來遠浦似憐
人別緒千里常共荻渚冥冥蘆花
沉沉總被東風調弄
寒添百尺晶屏上寫不盡天涯
愁重到晚來倦倚船孃
付與月陰微送

解連環

孤雁

斷煙零雨寫離情一點影沉天宇
漸晚來燈暗長門和
落葉荒涼悄移柔艣覓覓尋尋
念昨夜蘆花深處喚關
山路杳剗地風吹頓折箏柱
蕭條獨依遠渚正背
吳霜欲飛還住聽幾番喚弟呼奴
惱千里相思夢醒無
據爪印年年料不是雪泥
留住到歸時雲水蒼茫者

更苦

臺城路

春曉登吳山見炊烟四起

綠楊城郭春如畫
濛濛萬家烟起雨後偏
暝邊較淡
都化江湖寒翠
清明過未換禁火光陰
一杳新試悄地
風回市聲飛出白雲裏
凭高還動遠目看朝暎
四晃
搖蕩如水歌板樓臺
傷蕭巷陌喚醒黃梁
殘睡餘痕裊
細漸半亘山腰半屯
林尾颺到花梢者番
紅雨膩

西子妝

題樊榭先生湖船錄後

霞水雙篙星萍一棹
寫得烟波千古曾向
湧金門外望
湖風流慣等鷗語
新題舊譜把花月都
勾留住總相宜

道銷金鍋子并銷愁去 頻年誤阻風中酒殢我天涯
路如今圓合西湖夢問吟蓬美人遲暮尊前試數已零
落游紅牕戶響菰蒲搖入孤山冷雨

又

秋字澄霽遠近無烟湖上山光動搖涼翠萬狀
古廉邀余出錢唐門將之孤山遇黃相圖模姚
春漪思勤宋筠洲永黃玉階基拉入舟中循蘇
隄入西冷橋泊於裏湖幽處山水旣佳飲酒極
醉因用夢牕自度腔以寫其勝

人外秋清鷗邊水遠藕葉藕花無數漁樵野局憑招我
醉西風判誰賓主狂歌醉舞願身在瓊壺常住看涼波
帶年年山色何曾流去 菱謳暮一霎垂楊暗了橫橋
路能知千古幾斜暉照詩人共尋烟語衣香舊句且休

向西冷重賦怕回頭冷綠沉沉萬樹

宴清都 秋陰

楓葉今朝冷吳帆外夕陽千里無影竹光杳冥楊絲掩
冉作 去 成淒迴尋烟說與西風載涼意都輸小艇好畫
來鷗鷺明邊幾莖蘆絮搖暝 江湖况味曾諳年年消
曠空寬吟興菰蒲舊夢梧桐別恨幾時能醒無端釀雨
商晴盪一片秋心不定待笛聲喚出同看明蟾樹頂

百字謠 酒筵

舊扶醉處正斜陽閃閃擡頭重見不定光陰圖畫裏搖
曳一竿春軟紅樹旗亭綠楊城郭和雨和烟捲幾痕濃

墨晚來疑帶鴉點
聞道索價新高行沽何處拚脫蓑
衣換風雪模糊樓一角多少梨雲吹滿歌板因緣奚囊
情味消得花邊慣燕歸能認傍檐徐掠雙剪

無悶 雪意

寒壓雲低遮絮護花爭得東風早晚任凍雀梅邊幾番
偷眼盡日陰晴不定逗一線樓頭斜陽短寫成畫本模
糊粉墨試看天半 深院小門掩聽笛唱聲聲玉龍曾
喚好料理尋詩預商驢券莫遣圓珠化淚便惹起梨花
春來怨待夢裏蝴蝶尋歸定識灞橋人面

尾犯 筍

餘花晚徑問烏衣來否翠尖新迸暗泥欺破今番占斷
閒園盈頃禁人踏去早晨響籬根靜記天寒翠袖籠時
嫩紅偏肖纖影 節物旋過燒茗配櫻厨玉版勝早食
單催點酒地先煨肯遲幽興試到深山聽只幾日籜敲
烟暝憑夕照老盡孫枝晚鞭挑向霜冷

望湘人

憶宋筠洲客粵東

薄雲寒逼硯葉落敲燈故人猶滯天際一幅帆迷一繩
雁細更帶一聲笳起十八灘高六千里遠江山如此料
幾番歌到珠孃不抵湖天吟醉 惆悵光陰彈指已登
高節過怕凝遙睇況飛雨吹愁酒外不禁秋思羅浮舊

約縱難拋棄只是天涯滋味待贖取好夢歸來夢向梅
花香裏

探春慢

宋宮洗鉛池在梳妝臺側今爲僧院

月樹棲烏花宮放梵山空孤鳳無語淺水波消斜階沫
濺難得舊時春聚鏡影團圓在料無分照伊眉嫵但憑
前嶺斜陽額黃一點偷注銅輦記曾來去問幾曲欄
圍幾重雲護流粉流香映花映柳那有浣人愁處瀉盡
繁華淚鷺化作響衣寒雨暝入僧樓沉沉都咽鐘鼓

西江月

密灑迷迷寒雪斜吹剪剪東風梅花不住水雲中雲水

替流幽夢 短笛樓頭一霎輕帆江上千重道即回首
卽簾櫳莫費相思千種

梅子黃時雨

梅雨約倪丈嘉樹一擊同賦

雲葉黏空放林角半晴旋又催雨晴麥後殘寒玉箸凝
聚猶有賀家滋味在餘酸送過江南路重屏暮別夢醒
時聽聞蛙鼓 閒觀綠濛濛處已金丸溼透輕墮無數
問浣壁新痕墨花誰譜獨立蒼苔人不見隔簾吹潤銀
筍柱陶瓶貯試尋煮茶風趣

夢橫塘

春暮同舒古廉黃相圃姚春漪泛舟湖上

時飛絮掠波散漫如雪因憶壬辰三月與
黃玉階坐跨虹橋上東風甚緊柳色渡湖
而來玉階得句云一年春事又楊花余味

其意似甚有悽惋者明年玉階竟以病死
殆詩識歎此游今昔雖異風景宛然舊感
新情悲吟成調

捲還似雪滾不成毬晚風吹向流水舊路濛濛早隔斷
斜陽千里已轉鶯餘才啼鵲後一年春事付湖心鏡影
攪碧搖寒相思恨和萍碎橫橋凭處闌干賸清愁難
畫絮語空記蝶趁鷗迷歎只似飄零身世念前度青衫
綴好不道晴雲易飛墜待認離痕未教成夢定先教成
淚

桂枝香

銀魚

芹芽新長乍密密疎疎來乘春漲難避千絲細雜落花

粘網天然二寸輕，跳雪正斜風亂鳴。
漁板倩描粉本點，晴堪認者般纖樣。
只合作針芒想像，笑稚子敲餘空釣。
寒浪雨後煙邊，誰向舵樓分餉。
水晶名字須鹽配，最相思櫻桃湖上夕陽曬。
徧和羹滋味，夢回吳淞。

鶯脰湖一名櫻桃湖

臺城路

南湖感舊

夕陽多少聞鷗在，曾盟舊時秋水。
松墜枯釵，柳迴淨眼，換了袈裟初地。
陂塘數里，歎誰替詞仙，石闌重倚。
遠暈煙蛾，晚山低鎖一奩翠。
平泉都已割捨，甚龍華發願，難埽文字。
酒被雲殘，詩襟雪瘦，夢老幅巾花底。
休提燕

子問頭白僧歸主人知未獨立蒼茫冷螢移暗尾

摸魚兒

平望

染輕帆滿陂煙翠艣聲隨意搖去江楓落盡詩題少一
雁飛來寒句雲乍聚向雪色蘆邊遠界斜陽住篷窓欸
語有琴畫前綠萼鱸舊約吾欲問鷗鷺 光陰好記得
吳船喚渡年年來往沙渚可憐鶯脰湖心水重照鬢絲
如許風颭處認幾點青帘挂在江南樹漁歌唱暮早清
逼疎鐘冷窺斷塔新月一眉吐

過秦樓

姚春漪賦玫瑰花詩和者甚衆彙而顏之曰紫香吟卷余述此調

花市分嬌馬塍移豔冉冉莫嫌開晚催殘小夢喚破餘

寒賣向玉人樓畔剛是曉雨收時芳信年年夾衣新換
待鬟絲攏罷甜香一撲蝶魂應戀消受得俊侶閒吟

噓烟吹露筆底幾番描染櫻桃厨近柳絮簾清合配嫩
茶輕點寫盡江南好春相對徘徊休教緘怨付紫雲唱

罷依約臉霞勻徧

玫瑰花一名徘徊花

臺城路

項蓮峯朝茶訪余於吳門值余有邗江之役相與別去舟中悵然賦此奉寄

吳波千頃流情去離愁暗縈花草舊雨來遲停雲望遠
堪笑天涯泥爪芳華易老問一徑蘼蕪采香誰到悶掩
屏山晚亭無夢獨吟悄東風曾共小別又碧荷扇外
相促游櫂酒笛邀風鷗波坐雪輸與者邊斜照催人去

早想月影淮流也增清惱暝色搖燈一天涼雨攪

秋霽

牽牛花

深瓊浮涼看裊向筠枝秀蔓凌亂煙洗輕綃露分宿淚
尙帶弄梭幽怨晚陰庭院料應識得黃姑面月影轉時
有唾花吹碧玉壺濺還又小步緩逐流螢悄來花間
風葉交顛盼玲瓏疎籬曉色銀河清淺尙情戀休悵午
晴容易捲愛短橋外只是滴翠搖青聽延秋紡一蛩吟

遠

國香慢

同人買舟擬游禪智寺因雨不果小飲三賢祠分得此調同作者閔玉井華江橙里

昉江玉屏立

水竹搖妍寫梢梢古韻暗墮詩邊寒芳那人何處秋滿
菱船一杵清鐘雨外問僧榻只借雲眠微茫阻游屐且
覓天香來證情禪 對花花不語悵西風燕去冷信先
傳吟仙鶴化苔色漸老蒼烟但剩天涯朋酒不輸他歌
吹年年臨波試窺影旅鬢蕭疎合受鷗憐

瑣窓寒

蕤獻詞話京師冬月既以紙糊窓格用琉璃片畫作花草人物嵌之此歐陽楚功詞所謂花戶油窓也

梵字樞交冰油紙滑玲瓏一片年光小雪不怕峭寒凝
晚盪東風梨雲亂飛似在琉璃影中見暮夕陽明滅金
迷紙醉那家庭院 閒翫幔徐捲認畫向青紗折枝花

滿多情遮護幾度夢魂歸緩
早前廂春聲乍催悄地重
窺那人面勝荷時冷布麤
疎背裏愁偷眼

望湘人

春陰

慣留寒弄暝非雨非晴誤拋多少春色半帶閒愁半迷
歸夢黯黯蘼蕪空碧閣處雲濃禁餘煙重欲移無力最
晚來如雪東欄一樹梨花明白孤負鴛簫巷陌已清
明時過懶攜游屐只潤逼熏爐約略故香留得天涯燕
子問伊來也可有斜陽信息聽傍人半晌呢喃似怨暮
寒簾隙

石湖仙

題王述庵先生三泖漁莊圖

綃痕秋翦帶紅樹蒼茫沙渚清淺尋夢到蘆花只留得
鷗心一片蕪香吹老問幾棹采魚歸晚雲斷認破帆指
塔遙轉京華比年同住話林泉塵襟如浣斲斨撈鰈
試檢鱸鄉舊券笛冷吟龍月高聽雁夜燈楓岸圖裏見
菰蒲剩響蓬點

月華清

九月望夜被酒歸來明月在窓清寒特甚
新愁舊夢根觸于懷因賦此解

鴉影悞煙蛩機絮月月和人共歸去愁滿青衫怕有琵琶
難訴想玉欄吹老苔花在閒却扇邊眉嬾延佇漸響
餘落葉冷搖燈戶不怨美人遲暮怨水遠山遙夢來
都阻翠被香消莫話青鸞前度賸醉魂一片迷離繞不

了天涯紅樹誰語正高樓橫笛數聲清苦

高陽臺

秋雨

荷網粘珠苔鬚濕玉絲絲灑破秋陰飛上疎花漸教清
淚盈襟西風不是催愁客是愁人聽到愁深又聲聲亂
打芭蕉攪碎鄉心 淒涼誰共挑燈語歎門堆落葉牀
擁孤衾人遠天涯滿城響答寒砧今宵不恨妨歸夢掩
江關夢已沉沉只催租怕近重陽損了幽吟

趙懷玉

字億孫號味辛武進人乾隆四十五年
召試舉人今官青州府同知有荃提室詞

賣花聲

茶熟酒微溫消盡黃昏看燈人異去年情只有半牀殘

月到許客平分。寂寞杜司勳。傷別傷春，自來好夢，不
會真。依約畫簾風細處。昨夜星辰。

憶秦娥

春晴後斜陽。忽遺花光透。花光透。楊家姊妹。畫中曾覩。
心香幾瓣深深叩。匆匆一段雲歸岫。雲歸岫。此情值
得爲伊消瘦。

解佩令

春山如夢。春波如醉。恰春人畫橈輕載。小語遮燈。任管
見柔情難慰。又簾前月痕初墜。眼兒流媚。意兒傳慧。
怯宵涼薄羅衫袂。珍重風光莫遣他國香。顚願名花。

酒狂常對

蘇幕遮

爲鄭孝廉題閔貞梅花美人

雪將殘波欲縈春病春愁寂寞誰經受一片斜陽凝翠
影低橫香暗逗記得林閒
香識風姿舊生怕樓中吹笛後我夢江南君夢揚州否
別銀燈乙未仲夏自味辛齋移居舊寢

一自楚山雲斷孤月七番圓徧再過空闌重登舊榻
絕夢中人面香消燭暗怕入夢也難頻見愁檢篋中
鏡線蒲理匣中筆硯雨到殘時酒當醒後有淚獨零
碎百年如電愁病裏等閒過半

南浦 王述庵先生來京預千叟宴畢卽送南歸

風雪駐蒲輪喜重來海鶴姿仍如故林下豈無人耆筵
設誰是獨承 恩遇頌來十賚杖頭猶帶層霄露說向
旁觀真羨煞不但名山千古 匆匆匝月春光又青搓
柳色催生別緒結習在文章聯翥展排日迭爲賓主薛
湖黃浦送行夢逐吳船去便欲相依談鄭學暇把蟲魚
箋注

會

煥

字賓谷南城人乾隆四十六
年進士今官兩淮鹽運使

揚州慢

題汪對琴松溪漁唱卷

鏡影澈空波光蕩碧春風過了還晴恰溪邊小築見山

色松明一自漁歌歇後鳴榔極浦冷月無聲憶年來雲
深黃海幾誤歸程 邗江風雨看萬公載酒頻經有白
石新詞碧山舊句自炙銀笙老去風懷未減微吟倦十
星春城記虹橋佳話待君重譜鷗盟

國朝詞綜二集卷三

青浦 王昶 纂

楊芳燦 十九首

楊揆 二十四首

王芑孫 三首

那彥成 五首

洪亮吉 一首

楊芳燦 字蓉裳金匱人貢生今官戶部郎中有吟翠軒初稿

浣溪沙

宿雨初晴度洩雲流鶯猶自惜餘春
棟花落盡閉閒門
小市酒旗風帖帖橫塘魚網水粼粼
垂楊影裏浣衣人

雙調望江南

人去也極目碧雲流梧葉有情留夕照柳絲如夢送殘
秋倦倚晚妝樓無聊甚強把縷鞦韆纔捉康鴉翻玉
局又移么鳳近香篝誰解個中愁

又

輕寒峭雙掩小牕紗醉月亭臺銀盤落熈春圖畫玉鴉
叉樂事屬誰家鸞鏡暗不耐上鉛華瑤砌雨滋懷夢
草曲欄霜翦助情花流恨滿天涯

滿江紅

蘆花

十月江南誰描出淒清暮景休認是梨花小苑楊花幽

徑千里迷他孤客夢一行逗出閒鷗影正半鈞微月淡
如烟空江冷長宵裏霜華炯斜陽外雲容靜願伊休
點上潘郎愁鬢紅蓼灘頭秋已老丹楓渚畔天初暝看
兩三星火傍空濛橫漁艇

小重山

一桁珠簾小綺疏斷腸人未睡鳳衾孤香箋錦字淚縹
糊青卷掩怕檢寄來書懊惱夜牕虛沉檀然一辨博
山爐尖風料峭襲羅襦銀燈炮微雨雁飛初

鳳凰臺上憶吹簫

細雨凝愁輕寒釀病西風吹亂簷鈴漸黃昏時候翠戶

初局剛是背鎧私語將紅淚彈向銀屏淒涼境雕窗影
黑蘭炷烟青 飄零個人何處恨錦字難傳冷雁無情
早慵敲鳳局嬾炙鸞笙聽盡蓮壺清漏寒更永酒力微
醒歌珊枕把前宵好夢記起星星

蝶戀花

春寒

片片輕冰凝綠井鳳脛燈明一桁簾波靜雪透腮渦殘
醉醒背人爐內添香餅 偎定薰籠還道冷細翦豐貂
巧護雙蟬鬢鴛瓦霜華看不定半牆澹月梅花影

念奴嬌

雨窗明日立夏漫賦

多情風雨伴春來忽又送春歸矣彈指聲中春九十歷

日輕雲有幾笑也含愁醒還似夢慵上高樓倚牀頭醺
醺判他真個沉醉 萋萋芳草池亭蟬前鵝後到處愁
人意擬趁良朋櫻筍約錦字奚奴先寄小鉢研香圓爐
焙茗寂寂簾垂地無慘頻問杏梁雙燕歸未

摸魚兒

韓大景圖有句云歸來坐深林誤到秋生處余愛之作此寄韓

據胡床深林獨坐微茫天色催暮碧雲幾葉流空影翠
地感秋無據秋欲語道還叩騷人識我家何處君應不
誤想籬豆花邊涼蟬聲裏依約認來路 淒涼意不數
庾詩江賦天然空外琴趣悵悵我亦悲秋者忍插檀槽
遺譜拚睡去枕半榻明蟾夢與秋同住玲瓏窻戶正露

沁池蓮夜深人靜花氣冷如雨

臨江仙

最是惱人桃葉渡浪紋吹皺玻璃紅泥亭北板橋西敗
荷雙鴨語高柳亂鴉栖 艷字題殘蟬雀扇費他金粉
銀泥花叢無處奪鸞篋邀人餐不託黃酒川偏提

唐多令

露彩淡高空烟華漾斷虹驗秋聲一葉疎桐白紵衫輕
涼似水添幾陣藕絲風 珀盞玉醪濃腮渦小暈紅凭
香肩細語歡濃貪向水晶簾畔坐花隱約月玲瓏

喜遷鶯

立秋日東顧大立方

琉璃窗牖正紵衫初試嫩涼盈袖一抹銀雲三分璧月
酒醒黃昏時候儘開簾滅燭攬不盡清輝盈手闌干曲
只拈將抹麗暗香偷鯁回首空感舊沉李浮瓜往事
卿思否菡萏池塘鱗蛸庭院贏得而今倜傥相思無可
寄聊數遍暝鐘清漏悵悵也稜稜玉骨共秋爭瘦

雙調望江南

腰圍減芳思漸銷磨白紵單衫裁却月紅鹽怨曲唱迴
波閒處飲雙蛾人跡少瓊砌草成窠鬢影恰同花影
瘦淚絲持比雨絲多悵悵奈秋何

喜遷鶯

泊舟楓橋聞歌有感

微雲如霧送晚來幾點菰蒲涼雨林影皺紅潭痕渲翠
做弄秋光如許悵行蹤無定繫一葉扁舟沙渚誰相伴
有蘆花深處一行眠鷺 凝佇天已暮露柳霜蓮秋滿
楓橋路絃響悵悵蠟光隱隱隔院謝娘眉嫵歌聲畱不
住又化作水烟飛去淒涼意算者般情味綵毫難賦

齊天樂

秋雨沉沉遊山滯約作此以東滄雲

泄雲一片篩寒雨虛幃涼意微逗彩扇銷香碧羅淹淚
恰似去年消瘦玲瓏窗牖只孤影相憐更誰攜手一桁
簾垂暗燈花結小紅豆 匡牀清夢易覺聽聲聲點點
亂捎鴛鴦鈿砌蛩寒畫廊蕉碎併作一宵儂慙雙眉青

門怪幾日西風替儂吹皺試把圓冰病容憔悴否

臨江仙

寄仲則

蘭露娟娟清欲滴嫩涼天氣先秋相思獨夜倚層樓嬾
排金雁柱怕捲海犀鈎記起離居多少事無眠數徧
更籌研紅箋紙寫新愁錦鱗三十六憑向玉河流

摸魚子

丙申七夕

水明簾深深窄地一彎眉月催暝黃姑織女相逢處露
洗銀潢如鏡庭榭靜看幾個流螢點綴寒波影危欄獨
凭恨好夢難圓愁魂易怯薄醉旋成醒無聊甚往事
從頭記省爲誰辜負芳景雲堦月地清歡夜知否人間

淒冷移石鼎且點注清泉細瀾釵頭茗蓮壺漏永又聽
得聲聲商飈過處暗葉打金井

臨江仙

平望

澄碧奩中紅一抹秋波倒浸斜暉畫眉橋影向人低柳
腰霜外瘦菜甲雨餘肥一曲漁歌聲未歇沙頭鷓鴣
驚飛何時覓得綠蓑衣三間茅屋畔著個釣魚磯

蝶戀花

吳江道中

秋水一灣雙槳舉又送行人過卻吳江浦回首津亭天
欲暮碧雲如畫飛殘雨獨倚危舷愁不語無限吟情
付與崔郎句夾岸丹楓無別樹夕陽紅到銷魂處

楊

揆

字荔裳金匱人乾隆四十五年召試舉人今官四川布政使有瓊瑤香龕詞

浣溪沙

水榭卽事

檻外春流長暮潮石城艇子不須招相逢同到赤欄橋
簾影自明波瑟瑟茶烟低颺雨瀟瀟水天涼夜聽吹

簫

又

曲象廊西屨響過乍通言語暫聞歌三生惆悵奈情何
濃淡眉痕山子黛淺深衣褶水紋羅帶人無賴是橫

波

又

手展文窗幾扇紗
當筵銀燭影斜斜
暗拋紅豆記韶華
寶枕共憑連理蕊
香衾多繡折枝花
銷魂真到莫愁家

江神子

燕子

柔鄉到處儘徘徊
盼花開
妒花開
軟踏簾鉤細語訴愁
回一片落紅看不得
飛去也
又銜來
天涯無計與安
排
錦成堆翠成堆
多少六朝煙雨好樓臺
如此風光應
早憶春到了想南歸

雨中花

人倚銅鑲風滿樹
怪夜色淒涼如許
半角雲垂一鉤月

冷欲霽還疑雨 殘柝更更畱不住
有多少舊愁無據
梁燕歸時林雅散後總是銷魂處

太常引 泊天津

蕭條落木近孤城野色慘冥冥
客思已淒清那更聽風
聲雨聲 無窮往事無邊幽恨
迴首不勝情今夜數歸
程何處盼長亭短亭

渡江雲

渡江赴金陵

連雲低暝色江風暮緊莽莽長春潮
蜻蜓舟一葉漸覺
搖融接施水花高烟中翠黛乍回頭
已失金焦空載取
滿船離恨人向石城橋
魂銷當年金粉何處樓臺漸

荒涼多少憑檢點香箋螺墨閒賦南朝新聲誰唱瓊枝
曲和風前款乃無聊愁未了打篷雨又瀟瀟

高陽臺

青溪訪陳宮人葬處感顏濟冥會事

艷骨消香春魂逗影傷心又到花時流水荒灣淒涼井
畔胭脂青衣召客匆匆別翦紅綃分寫新詩恁泉臺玉
樹歌殘未斷情絲前身合是題箋客向臨春閣上再
見瓊枝一枕幽歡小姑靈跡應知而今惟有南朝月照
風前緜柳腰肢步蒼苔不見鈿蟬漫酌金卮

臺城路

花魂和汪大劍潭韵

東風驚破繁華夢芳魂欲歸何處燕拂橘眉蝶栖簾額

依約舊時庭廡衣裳楚楚正弱不勝情愁偏無語繞遍
回廊粉痕零亂有誰主臨風幾番延佇算重來崔護
幽恨難訴色已成空香憐有劫薄命真同弱絮盈盈欲
去看一抹蒼苔半坏黃土淚點誰零是枝頭杜宇

又

澄江使院池蓮盛開夏夜苦暑每棹小艇于花
間達旦不寐因賦一闕以記

亭亭紅藕花初放澄波晚來如鏡翠蓋翻風香房沁露
魚聚一奩空影猶夷小艇是誰倚瓊簫正饒清興爾許
新涼淺沙鷗夢喚難醒深杯休貯醺醪只冰盤薦果
分鬥釵茗楚楚衣裳珊珊環佩仿佛明妝端正欄干夜
靜有墮瓣臨流最宜清聽眉月生遲漸低空量冷

又遊大明湖

湖光千頃搖空綠，新秋恰收殘暑。歷下亭荒，鵲華山近，七十二泉爭注。微茫洲渚，看打槳波心，撈蝦人去。圖畫天然，臨流茅屋幾家住。鄉心不禁，棖觸記芙蓉湖畔。風景如許，碧柳絲絲，青楓葉葉，彷彿江南烟樹。銷魂凝竚，又吹遍蘆花，慘空涼雨。小艇歸來，水荒聞鴨語。

定風波

初三夜見月

悄悄踈櫺不隔寒，是誰眉樣試臨鸞。一片清輝初著地，須記便從今夜盼團圓。何事纖痕如乍識，相憶清輝還自去年看。記得去年人影瘦，攜手藝香同拜小闌干。

臺城路 鈴聲

丁東虬箭聲初咽。淒涼更聞鈴語。替月星寒，護霜雲重。
愁夢不離烟樹，雙輪暫駐，似爲我匆匆。商量去住，縱刻
閒情也。應流淚滿衫帶。春江曾艤蘭棹，記相風竿上，
徹夜踈雨。一種郎當千回替。辰零落唐宮遺譜。曉鴉啼
處，總不是當年護花庭宇。獨自銷魂倚鞭吟斷句。

探春 詠迎春花

香卸梅梢艷遲。桃萼蓉城催下。飛檄淡白，宵勻嫩黃，朝
點夢醒官羅。試揭耐得餘寒，峭性不共唐花爭熱。是誰
暗數春期，小窗緘指偷捻。爲怯新妝，曉薄還翦就金

縷新衣重疊挑菜人來踏莎期近管領東風消息可
香鼓裏飛不到尋芳胡蝶掩映幽姿踈簾剛逗初月

摸魚兒

春陰

冷濛濛慘空絲雨剛逢送九天氣趾離呼遍難成夢拋
枕無聊還起晴也未待喚醒春魂一片烟痕裏韶華暗
記看柳纈黃時草芽青後風信幾番矣 真愁絕欲把
回文書寄雲波天樣迢遞相思說與梁間燕應有綠窗
人曉須料理休孤負吹花嚼蕊閒生計筠簾窄地悵薄
酒才中微吟又倦誰會此情味

愁春未醒

訪李師師故里

檐齊縹瓦簾捲銀鈎記馬滑霜濃是官家舊日清遊何
事繁華劫灰無復故釘畱今來難覓彈箏院杳贈芍窗
幽冉冉斜陽尊前一曲珠淚雙流應識是憐才真意
寄向歌喉我亦多情青衫到處惹閒愁相逢惟有幾株
垂柳曾覆紅樓

憶舊遊

自大梁赴蘭山畱別容光八兄兄客蘭最
久昨歲始歸伯兄守伏羌時兄亦同在圍
城會有秋燕詞云者希門巷認烏衣爲語
舊時伴侶莫西飛之句故及之

正晴烟颺碧空翠飄青春在平蕪幾夜聯床話又渭城
唱徹渺渺愁予朝來懶窺明鏡髮短不勝梳向客裡相
逢客中送別韶景全孤長途還語我說伴侶飄零不

國朝詩集二集卷三
似當初十載天涯夢算真成歸燕肯作驚鳥舊日尊前
衣袂浣後酒痕無縱勸理吟鞭花間無奈啼鷓鴣

好事避

雨中過幽風閣

高閣倚危崖俯瞰衆峯迴抱欲借層梯徑上把濃陰輕
掃流光四月正清和夾道女桑小風景却宜秋盡看
千林紅棗

摸魚兒

重九前一日

近重陽絕無風雨高空雲斂晴晝蕭森秋意闌吟抱木
落草枯山瘦凝望久憶萬帳分旗霜壓狻羆厚鳴鳴角
奏看馬踏橫流鷹盤斜照寒色一天驟韶華駛寂寞

長楊賦手少年馬槩能否自慚骨格真柔懦不耐酪漿
酏酒古北口問官道歸時可有青青柳一年髮又正叢
菊將開雙螯未把那說不孤負

又九日同人小集作

澹長空碧雲無影新涼才上衣袖匆匆過了中秋去佳
節又逢重九歸也否想幾日紗厨叢菊寒香透相憐住
久只草草傳觴寥寥招客來趁晚晴候 閒疑盼楓葉
千林紅縐層岬萬疊青門秋風原只宜關塞不在停燈
過酒開笑口算爽氣西山一定朝來有鄙人擊缶且勅
勒行歌都盧起舞落月漫催走

江神子 題玉簪小幅

一釐秋影色香兼
月織纖纖漏厭厭
好夢初回涼透夜
明簾淺澹妝梳看
不定雲髻驪莫輕
拈仙姿端合寫霜
縑翠毫鈿玉葱尖
粉恨脂愁消瘦爲
誰添忍俊漫隨烟
化去須珍重伴香
奩

金縷曲

題三泖漁莊圖

結屋臨三泖
愛幽棲雨蓑烟艇白蘋紅蓼
一片明湖波
蕩漾歷歷諸峰相照
算谿父園公同調
縱使京華千里
隔展圖看有夢還尋到
塵世事此間少
壯遊滇蜀風雲道
早歸來燕然勒石遙氛清掃
收拾功名三十載檢

點筆牀茶竈喜如舊溪山皆好記取柴門流水曲待他
時載酒堪停棹同更訪蓴鱸早

百字令

六月初七夜對月卽事與三弟同作

織雲乍斂喜窺窗微逗一彎涼月曲檻無風燈未上小
步斜簪晞髮選夢安牀看茶移竈漏箭聲清切唾壺擊
處漫教竒氣消歇惆悵今夕何年澄澄玉宇容我雙
眸豁如此樓臺風露外應稱心腸冰雪牆荔爭青檐蘿
媚綠庭竹橫枝折不成歡笑阿奴母乃癡絕

又初九夜寄懷伯兄次初七夜對月韻

去年今夜憶藝香小圃舉杯邀月邊地蕭蕭涼意早滿

國朝詩集卷之三
座斜風吹髮花底分題樽前得句快若昆刀切消人無
寐瑟瑟街鼓聲歇 偏是容易分離秦關蜀棧山勢千
層豁重夢金城關下路恍聽河流噴雪烽火心驚音書
目斷楊柳難攀折看雲兩地羈懷同此愁絕

王芑孫

字念豐號惕甫長洲人乾隆五十三年
召試舉人候補國子監博士有瑤想詞

蝶戀花

夢斷紅牆煙隔路不分年時花底人相遇人在曉鶯聲
裏住門前一樹櫻桃樹 鳳意鴛情天不妬繡榻斜行
早逗相思句杜牧尋春春未暮來遲不算三生錯

鬲溪梅令

梨花明白護窗陰
凍流雲人在花深深
處坐調笙繡傘
寒過春
水晶簾子蒜垂銀
卷細紋多事春風相
識愛
相尋杜鵑紅一廳

賀聖朝

香銷銀葉更三五
寂無憀心緒一般
梁月幾回窗雪多
番簾雨
梅花無恙相依苦
怕花飛曠我與誰
消遣燒
燈時節聽歌去處

那彥成

字韶九號繹堂章嘉氏滿洲正白旗人
乾隆五十四年進士今官禮部尚書

踈影

寒筠

鳳城啟早帶踈星
殘夢背衝烟曉風
冷池塘落葉冰膠

斜影參差難照畫圖幾筆清寒意點枯枝雪殘林杪縱
羣飛不近昭陽早是玉顏愁老 太息少游已往孤村
流水外樽酒潦倒寂寞隋宮柳臥長堤終古斜陽不了
衡門放眼青天濶問帶去閑愁多少怕夜寒吹笛人來
驚起月高輪小

霓裳中序第一

秦鏡爲王述庵司寇作

菱花起寒色認是蕤秦舊時物曾伴玉簫聲咽任引鳳
春嬌舞鸞宵怯翠眉紅頰儘銷殘兒女情劫長招直銅
仙金掌鉛淚共沾泥 休說蘭池宮闕盡付了樵斤牧
笛冷光猶湛盈尺是水映揉藍粉平揩白靑娥應見泣

怕照膽依然如昔湘奩畔圓姿未減繡嶺對秋魄

疎影

題一生未醒梅花夢詩意圖

惺忪香國忍伶仃抱影凍禁孤碧紙帳歌烟老屋偎雲
朦朧一片蒼雪分明蝴蝶花中活翻不道此身如葉向
小窗寫出橫枝試問幾生修得誰似何郎踈俊蒼江
一臥也占斷清絕開向東風洗近西窗今夕人間何夕
團香冪玉籠春住任弄微黃昏霜角恁等閒照取芳心
只有舊時月色

又賦竹屋

檀藥碎簇向低簷冷壓飛蔭柔綠葉走閒階燈火昏黃

唱斷瀟湘哀曲蕭郎老去慵拈筆寫不出渭川林麓有
箇人翠袖天寒倚遍畫闌干角 閑步巡簷索笑一枝
乍見了香破孤萼怕度秋聲雨雨風風且向而今聽足
幽窗心事憑誰說賴只有此君如玉恁等閒過了斜陽
又被月痕低感

瑤花

獨坐紫藤花下月色低迷清光自來賦此遣興

瓔穿珞纈高架暮霞浸一壺寒碧滿身清影玲瓏甚飾
透衣香幾覺輕寒約住纔畱得而今春色訝石家步障
張空翻起流雲疑活 淒涼轉憶前遊是那曲闌干春
最佳絕十年花夢應不識禁得等閒蜂蝶心情正苦夏

何處悠揚孤笛怕者番吹徹陽關驚舞翠虬香雪

洪亮吉

字稚存陽湖人乾隆五十五年進士官編修有機聲鐙影樓詞

一萼紅

龔孝廉克一寓居晉陽巷側因屬余顏其齋曰聞鐘并系以詞

傍禪關構閒亭似舫四面敞疎櫺十五良宵一雙人影
三千里外鐘聲有多少春人心事奈秋窗黃葉已先零
借了蒲團繙殘梵頁悟徹鐙檠我亦能來聽此只青
衫似夢百倍淒清苦竹踈蘆幽花淡草此身如在江城
况惹起寒蟲鳴砌又丁丁蓮漏滴殘更待得蕭齋響寂
人語還生